

Das Ander Buch

Daß ein vnwendiger Stier oder Wieder (aries) gedül-  
dig vnd bendig werde.

So ein Stier/ oder Wieder vnwendig/ vnd vnnuß were/ vnd  
mit den Hörnern gewaltig vmb sich stiesse/ so bohre ihm nur ein loch  
zu nechst dem Ohre durch die Hörner/ so sol ihm die wilde flüssige  
Art bald wider vergehen. Colerus.

Ein Wieder liegt ein halb Jahr auff einer seiten/ vnd das an-  
der auff der andern/ Adam. Lonic.

Semina rasura arietis nascuntur asparagi, Henr. Corn. Agrip-  
pa de occult. phil. lib. 1. cap. 32.

Daß die Schafe den Wiedern gern nach-  
gehen.

Verstopffe den Schafen die Ohren mit Wolle/ so folgen sie den  
Wiedern gerne nach auff die Weide. Const. lib. 18. cap. 4.

Ein Wieder so eine schwarze Zunge hat/ gebiehet schwarze  
Schafe/ wenn sie aber weisse striemlein hat/ so ist sie besser/ ein Wied-  
er so dunkel/ oder schwarz der gebiehet nimmer weisse Lemmer.  
Columella.

Junge Schaffe/ wenn sie vor der zeit leufftig werden/ so bedeuts  
künfftige Pestilenz. Adamus Lonicer.

An einem Tragenden Schaff zu erkennen/ was es für  
ein Lamb an farben/ in Mutter Leibe  
trage.

Thue dem Schaff das Maul auff/ ist ihm die Zunge schwarz  
so wird das Lemlein auch schwarz/ ist sie weiß/ so wird es weiß/ ist sie  
bunde/ so wird das Lamblein auch bundt. Constant. lib. 18.  
cap. 6.

Eine